



UDRUŽENJE TURISTIČKIH VODIČA SARAJEVA
SARAJEVO TOUR GUIDE ASSOCIATION
„VUČKO“



Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Sarajevo, 14.02.2022.
Dom naroda Parlamenta FBiH

n/r: Tomislav Martinović, predsjedavajući
Delegati u Domu naroda Parlamenta FBiH

Primljeno: 15-02-2022			
Org. jed.	Broj	Priloga	Vrijednost
02-	02-414/17		

Predmet: Podrška donošenju Zakona o kontroli duhana u Federaciji BiH u njegovom izvornom obliku

Poštovani delegati u Domu naroda Parlamenta FBiH,

Mi, članovi Udruženja turističkih vodiča Sarajeva "Vučko" vas pozivamo da u cjelosti usvojite Zakon o kontroli duhana u Federaciji BiH koji je na dnevnom redu 17. Sjednice Doma naroda. Smatramo da je donošenje ovog Zakona neophodno kako bi se turistički sektor u Federaciji nastavio nesmetano razvijati i rasti.

U direktnom kontaktu sa turistima primjećujemo kako dozvoljeno pušenje u ugostiteljskim objektima uzrokuje negativne kritike, dovodi do odbijanja boravka u zadimljenim prostorima i nerijetko do nestanka želje da se ikada odvaže da ponovo posjete Bosnu i Hercegovinu. Veliki broj turista koji posjećuju našu zemlju dolaze iz država u kojima su ovakvi uslovi neprihvatljivi i oni su prosto naviknuti da borave u zdravom okruženju bez duhanskog dima. Stoga, pored turističkih atrakcija i sadržaja, jako im je bitna i komponenta zdrave životne sredine u kojoj se osjećaju zaštićeno od bilo kakvog rizika.

Osim što bi Zakon o kontroli duhana u FBiH zaustavio negativne kritike turista na račun zadimljenog i nezdravog okruženja, uvjereni smo i da bi privukao novu ciljnu grupu turista i pomogao razvijanju nove grane turizma koja se naziva *ekoturizam*. Budući da je ekoturizam posljednjih godina jedna od najbrže rastućih grana unutar turizma, ovaj Zakon bi mogao pomoći FBiH u visokom pozicioniranju na tom polju.

Podsjećamo, turizam je jedan od glavnih ekonomskih pokretača čiji razvoj ima jako važnu ulogu za cjelokupan gospodarski razvitak FBiH. Kao turistički radnici, mislimo da smo na jako dobrom putu da od naše države stvorimo turističku destinaciju koja će se pozicionirati u vrhu sa svjetskim destinacijama. Međutim, poučeni iskustvima, znamo da negativne reakcije turista na dozvolu pušenja u ugostiteljskim objektima u BiH narušavaju turistički sektor naše države u cjelosti, ometaju razvijanje turizma te tako utječu na socioekonomske prilike.

Sigurni smo da bi usvajanje Zakona o kontroli duhana u Federaciji BiH spriječilo negativne povratne informacije turista i turističke svjetske zajednice te umnogome doprinijelo razvoju turizma u FBiH i stvaranju ozračja u kojem je moguće posmatrati našu državu kao zdravu i održivu destinaciju.

Unaprijed zahvalni,

Upravni odbor Udruženja turističkih
vodiča Sarajeva 'Vučko'

